

急治彙編

巳 4

46

附 徐俞二先生弔脚痧方論

己酉春月  
存存齋印

# 急治彙編

脚氣證輯要  
喉痧治驗錄  
五疫症治辨

慈谿張蘇棻著



急治彙編序

春秋最著之醫曰和曰緩醫之無取乎急也明矣。然有急病焉。稍緩須臾而不得。非賴審機應變之才。曷以濟。苟有其人。或相去較遠。或酬應不遑。則輟轉呻吟。將迫不及待。故自昔良醫。遇有驗方。必選錄行世。功德誠非淺鮮。門下士張蘇。茶明。經幼多疾。厄輒喜岐黃。長侍母病。屢調湯藥。迺至戚友相邀。赴急往往立起。沈疴近歲來遊滬瀆。而臨證日以益多。昔賢所謂博涉知病。屢用達藥。是已。爰取平日曾經治驗者。集錄數種。名曰急治彙編。其一為腳氣證輯要。此證來勢甚緩。似無用其急治。然或數年之恙。一旦猝發。即萬分危殆。若待既發。雖急治。恐已無及。必須平日一覺此病。立時救療。故宜急治者。一。其二曰喉痧治驗錄。此症種類不一。稍

經誤治即難挽救故必遇其人得其法期於迅速奏功病家固不可因循醫家亦不能玩忽審因察脈辨證立方平日既貴學問臨時更須膽智庶不至枉折民命故宜急治者二其三日五疫症治辨疫症之作歲或有之其甚者往往傳染日多求治不及而醫者亦不遵內經五疫之旨審其的症求其的方每至矇矓施治迄無效驗不知疫病之發其勢迅暴若遇時行厲氣有數人相似即辨為五疫中何症備方備藥則物來順應自然生機活潑可以救人

之危故宜急治者三合此三種為蘇葉手自編輯或選方或錄案或立論但取簡明不求繁縟此外有舊傳弔腳痧要方試驗已多設遇是症毫無疑義故附錄於後以冀良方得流傳不替云爾

宣統紀元巳酉春月

友生葉慶增題

脚氣證輯要

慈谿張蘇茶莘野甫纂錄

昔賢謂古無脚氣之名。然考內經諸論。凡言痿痺。躄厥。及足病。跗腫。胻痠。脛痛。筋攣。蹠跛。軟短。弛長等證。即是脚氣之類。又金匱虛勞門。肢節疼痛。脚腫如脫。又脚氣疼痛。脚氣衝心。脚氣上入少腹。不仁。是漢以前已有此病。雖列治法。亦以為難。千金謂心肺經絡起于十指。肝脾腎經絡起于十指。地之寒暑風濕。足常履之。故風毒中人。必先中脚。然內經有肺熱葉焦。則生痿躄。心氣熱。則脛縱。而不任地。是心肺二臟亦致此病。不專主肝脾腎也。又三陽為病。發寒熱。下為癰腫。及為痿厥。喘痛。又三陽三陰發病。為偏枯。痿易。四肢不舉。又巨陽之厥。足不能行。少陽之厥。胻不可以運。又陽明虛。則宗筋縱。帶脈不引。足痿不用。是腑氣為患亦多。此病不專屬

五臟也。又云：始富後貧，雖不傷邪皮焦筋屈，痿躄為攣，是精氣內奪，亦易致疾，不盡關風毒也。要之腳氣之症，臟腑俱易感襲，但腑氣為輕，臟氣為重病。心肺二臟者少病，肝脾腎者多。腎虛者為最難治，外感內傷均有此疾。外感為輕，內傷為重。內傷微者猶輕，外感甚者亦重。內傷而兼外感者尤重而急。西醫謂此症多有電毒，故其發甚暴，信是則不能用鍼，即銀鍼亦不宜投，恐其發電，千金亦云服藥及灸二者不可間斷，未嘗及鍼也。曾見因鍼而隕命者甚多，腳氣當灸之穴：初風市，次伏兔，次犢鼻，次膝兩眼，次三里，次上廉，次下廉，次絕骨，湯丸諸方圖書集成彙輯最富，亦宜悉心選擇對症施治。先哲名言以唐孫公為最著，各書多有集錄，茲不復贅。特取宋以來論說數則臚列於後，以備治是證者採擇焉。



嚴用和濟生方脚氣論

千金言脚氣皆由感風毒所致。又經云地之寒暑風溼皆作蒸氣。足常履之遂成脚氣。然古來無脚氣之說。黃帝時名為厥。兩漢之間名曰緩風。宋齊之後謂之脚氣。其名雖不同其實一也。以此觀之寒暑風溼皆能致此。非特風毒而已。脚氣之病初得不覺。因他病乃始發動。或奄然大悶。經三兩日方乃覺之。先從脚起。或緩弱疼痺。或行起忽倒。或兩脛腫滿。或足膝枯細。或心中忪悸。或小腹不仁。或舉體轉筋。或見食吐逆。惡聞食氣。或胸滿氣急。或遍體酸痛。此其候之不同也。大抵寒中三陽所患必冷。暑中三陰所患必熱。誠哉斯言。若論其脈浮而弦者起於風。濡而弱者起於溼。洪而數者起於熱。遲而濇者起於寒。風者汗而愈。溼者溫而愈。熱者下

而愈寒者熨而愈。凡得脚氣速宜鍼灸之。惟用湯淋洗者醫之大禁也。觀夫脚氣皆由腎虛而生。然婦人亦有病脚氣者。必因血海虛。乘血塊。嗔恚哀感悲傷。遂成斯疾。兼令婦人病此者。衆則知婦人以血海虛而得之。與男子腎虛類矣。治婦人之法。與男子用藥固無異。但兼以治憂恚藥。無不效也。且補瀉之法。當順四時。春秋二時當急補。瀉夏月疾盛。專須汗神。入冬以後。須量人之盛衰。微加滋補。不然則氣血日衰。必使年年遇蒸熱而作理之。必然也。治法大概不越於斯。又當於四時之中。謹加調攝。不得久坐。久立。冷溼之地。暑月亦不當露坐溼處。能慎於斯。依法治之。無不瘥矣。

李東垣十書四肢辨內外傷

內傷等病。是心肺之氣已絕。外必怠惰嗜臥。四肢沈困不收。此乃

熱傷元氣脾主四肢既為熱所乘無氣以動經云熱傷氣又云熱則骨消筋緩此之謂也若外傷風寒是腎肝之氣已絕於內腎主骨為寒肝主筋為風自古腎肝之病同一治以其遞相維持也故經言膽主筋膀胱主骨是也或中風或傷寒得病之日便著牀枕非扶不起筋骨為之疼痛不能搖動乃形質之傷經云寒傷形寒則筋攣骨痛此之謂也內傷及勞役飲食不節病手心熱手背不熱外傷風寒則手背熱手心不熱此辨至甚皎然

吳崑醫方考脚氣方論

脚氣類傷寒則察之難脚氣能令人死則治之難是非可以淺淺

論脚氣矣考方七首同志者尚教我哉原方七首摘去椒湯洗方一首今存六首

脚氣憎寒壯熱者防已飲玉之蓋脚氣者濕熱在足而作氣痛也

急台景扁

脚氣證輯要

趙翰香居藏本

濕熱分爭濕勝則令人憎寒熱勝則令人壯熱此其為證亦有兼頭痛者頗類傷寒惟其得病之始本於腳氣為異耳又不可以腳腫為拘亦有痛而不腫者名曰乾腳氣亦有緩縱不隨者名曰緩風亦有疼痛不仁者名曰濕痺亦有轉筋攣急者名曰風毒此在醫者體會而辨證爾各有治法不同大抵腳氣之疾壅疾也喜通而惡塞故孫真人曰腳氣之疾皆由氣實而死終無一人以服藥致虛而殞故腳氣之人皆不得大補亦不得大瀉是方也木通防己檳榔通劑也可以去塞犀角黃蘗生地黃甘草梢寒劑也可以去熱蒼白二朮燥劑也可以去濕然川芎能散血中之氣犀角能利氣中之血先痛而後腫者氣傷血也重用川芎先腫而後痛者血傷氣也重用犀角若大便實者加桃仁小便澀者加懷牛膝內



熱加苓連時熱加石膏有痰加竹瀝全在活法初無拘也凡腳氣衝心喘息不止嘔吐不休者皆死水犯火故也

腳氣痛腫寒熱相搏脈來沈細者越婢湯主之蓋氣不得通則痛血不得行則腫此腳氣之所以為壅疾也寒熱相搏者邪氣與正氣相激搏也脈來沈者為裏細者為陰名曰越婢者越以發越為義婢卑也是方能發越至卑之氣故以越婢名之石膏性寒而重寒能勝熱重能就下附子味辛而熱辛能行壅熱能壯氣佐之以麻黃則寒熱之壅滯皆從毛孔而泄矣用白木甘草取其氣味溫平能致中和之氣於發越之餘耳而甘草獨少者恐其性緩多則不能速達於卑下之區也

寒濕腳氣疼痛不仁兩尺脈來沈細者六物附子湯主之此痺症

也。內經曰：寒氣勝者為痛痺，濕氣勝者為著痺，令疼痛不仁是寒而且著也。兩尺主兩足脈來沈者為裏遲者為寒，是方也用桂心附子溫其寒，防己白朮制其濕，甘草茯苓脾家藥也。扶土氣之不足制濕氣之有餘，然必冷服者欲桂附之性行下而不僭上也。乾腳氣者謂腳氣入腹不得通泄也。腳氣干於肝則左脇有塊，腳氣干於脾則令人痞，腳氣干於心則令人死於夜，以夜氣助其陰邪也。因大寒不知人者陰進而陽不舒也。以杉木湯主之。蓋杉木節質重而氣芳，質重則能達下，氣芳則能疏壅。橘葉味苦而厚，過於青皮，檳榔質實而重，等於鐵石，味厚則泄，質重則降，故能令邪氣大下。童便鹹寒物也，鹹則能引邪氣以走濁陰，寒則能平熱氣，使不上逆。經曰：道之遠者制大其服，故其量數五升云。

脚氣疼腫濕熱發黃者當歸拈痛湯主之。蓋脚氣內壅故令疼腫濕熱不得泄越故令發黃是方也。羌活防風升麻葛根蒼朮皆辛散之劑也可以泄越壅塞之脚氣。苦參黃芩茵陳知母皆苦寒之品也可以解除內壅之濕熱。乃澤瀉猪苓白朮淡滲物耳能導利下焦之濕當歸人參甘草者所以養血益氣也。

脾氣虛弱胃氣下注令人足跗氣腫者升陽順氣湯主之。蓋脾雖具坤靜之德而有乾健之運故脾氣沖和則升降清濁無跗腫也。脾氣一虛土不制水則胃中水穀之氣隨經而下注令人跗腫是方也。半夏甘草以益脾參耆以益氣寇麴以消磨水穀升柴以升舉胃氣當歸能使藥歸脾陳皮能利中宮之氣而蘘皮者取其氣味厚引升麻柴胡下走足跗而升舉其陷下之陽爾。

喻嘉言醫門法律論八味丸治腳氣

古方崔氏八味丸用附桂二味陽藥入地黃等六味陰藥之中金匱取治腳氣上入少腹不仁其意頗微蓋地氣上加於天則獨用薑附之猛以勝之地氣纔入少腹適在至陰之界無事張皇所以但用陽藥加於陰藥內治之不必偏於陽也至腎水泛溢婦人轉胞小便不利則變其名為腎氣丸而藥仍不變蓋收攝腎氣則腎水歸源而小便自行亦無取偏陽為矣觀此則治陽虛陰盛之卒病其當用純陽無陰更復何疑後人於腳氣入腹少腹不仁而見上氣喘急嘔吐自汗不識其證地氣已加於天襲用此方不應乃云此證最急以腎乘心水剋火死不旋踵用本方加附桂各一兩終是五十步笑百步不達卒病大關徒以腎乘心水剋火五臟受



剋為最急。不知五臟互相剋賊，危則危矣。急未急也。厥後朱奉議治脚氣變八味丸為八味湯，用附子、乾姜、芍藥、茯苓、甘草、桂心、人參、白朮。其義頗精於中芍藥、甘草、人參。臨證更加裁酌，則益精矣。奈何無識之輩，復以此湯插入已見去桂心、加乾地黃，以陰易陽，奚啻千里而方書一概混收，詎識其為奉議之罪人乎。

金匱續命湯

治風痲拘急，口不能言，欬逆浮腫。

古方分兩，不合臨症極宜斟酌。

麻黃

桂枝

甘草

乾薑

石膏

當歸

人參

各三兩

杏仁

四十粒

芍藥

一兩半

水煎服

取汗

不汗再服

桂枝芍藥知母湯

治肢節疼痛，脚腫如脫，頭眩短氣，温温欲吐。

桂枝

白朮

知母

防風

各四兩

甘草

各一兩

芍藥三兩

生薑

五兩

水煎服

日三次

崔氏八味丸

治脚氣上入少腹不仁。

熟地黃

八兩

山茱萸

淮山

各四兩

茯苓

丹皮

澤瀉各三兩

玉桂

附子

泡各一兩

研末

蜜丸

酒下

三錢

日再服

烏頭湯 治病歷節羸瘦足腫大汗出脛冷亦治脚氣疼痛屈伸不可

麻黃 芍藥 黃耆 甘草各三兩四味水三升煮一升去滓  
用烏頭五枚 蜜二升煮一升去烏頭用前汁內蜜煎中再煎

越婢加朮湯 治內熱津脫汗大泄屬風氣下焦脚弱

麻黃六兩石膏半斤生姜二兩甘草二兩白朮四兩棗十五枚  
先煮麻黃去沫內諸藥再煎日三服惡風加附子

千金竹瀝湯 治兩脚痺弱或轉筋皮肉不仁腹脹起如腫

竹瀝三兩 甘草 秦艽 葛根 黃芩 麻黃 防己 桂  
心 乾薑各三錢 細辛一錢 茯苓六錢 防風四錢 升

麻一錢 附子一枚 杏仁三十枚水煎汁沖竹瀝分三服

八風散 治風虛面青黑土色不見日月光脚氣痺弱

菊花一兩石斛 天雄各四錢半人參 附子 甘草各五錢  
薯蕷 續斷 黃耆 澤瀉 遠志 秦艽 石葦 牛膝  
萹蒲 杜仲 茯苓 乾地黄 防風 白朮 乾姜 萆薢

各三錢 細辛一錢 烏頭錢半共為散酒服二錢日三服

風引湯 治兩脚疼痛腫或不仁拘急不得行

麻黃 石膏 獨活 茯苓各六錢 吳茱萸 附子 秦艽

人參 川芎 桂心 甘草 防風 防己 各三錢 細辛 一錢  
乾姜 四錢 半白朮 一兩 杏仁 六十粒 水煎汁分三服 取汗

犀角旋復湯 治脚氣初起兩脛腫滿或入腹不仁喘息上氣

犀角 旋復花 橘皮 茯苓 生薑 各六錢 半 大棗 七枚  
香豉 一升 紫蘊 莖葉 一握 水煎汁分三服 以氣下 小便利為度

深師石膏湯 治脚氣風毒熱氣上衝頭面面赤筋急鼻塞神情

昏憤心胸恍惚或若驚悸身體顛掉手足緩縱或痲痺頭目眩

重目反鼻辛熱氣出口中或患味甜諸惡不可名狀者

石膏 龍膽 升麻 芍藥 貝齒 甘草 炙蠶甲 黃芩  
羚羊片 各一兩 橘皮 當歸 各二兩 水八升 煮取三升 分三服

杉木湯 治脚氣入腹衝心危急欲絕

杉木 節 四兩 大腹皮 一兩 大檳榔 七枚 青橘葉 四十九  
片如無用皮 右剉作一貼分二三次用順流水煎濃汁服

當歸拈痛湯 治濕熱脚氣腫痛

羌活 茵陳 酒炒 黃芩 酒炒 炙甘草 各一錢 知母 鹽水  
澤瀉 赤苓 猪苓 白朮 防己 各六分 人參 苦

急治脚氣

脚氣證輯要

趙翰香居藏本

參升麻 乾葛 當歸 蒼朮各四分 右剉作一服水二  
盞浸藥少時煎至一盞空心臨卧各一服

檳蘇飲 治風濕脚氣腫痛拘攣用此疏通氣道

蒼朮二錢 香附 蘇葉 陳皮 木瓜 檳榔 羌活 牛  
膝各一錢 甘草五分 共剉碎加姜三片葱白三莖水煎服

六物附子湯 治四氣流注於足太陰經骨節煩疼四肢拘急自

汗短氣小便不利惡風怯寒頭面手足腫痛

附子泡去皮尖 桂心 防己各四兩 白朮 茯苓各三兩  
炙甘草二兩 共剉碎每服五錢加生姜七片水煎服

虎骨四斤丸 治脚氣 一方加黃耆枸杞

木瓜 天麻 淡菴蓉 懷牛膝焙乾各一斤 附子泡去皮  
尖二兩 虎骨醋炙一兩 先將前四味用無灰酒五升浸透  
春秋各五日夏三日冬十日取出焙乾入附子虎骨共研為末  
用浸藥酒打麩糊丸如梧子大每服五十九丸空心淡鹽湯下

丹溪防己飲 治脚氣須升提其濕

白朮 木通 防己 檳榔 川芎 甘草梢 犀角 生地  
黃柏二味酒炒 蒼朮 鹽炒 共剉末水煎服 大便實加桃仁



小便澀加杜仲牛膝 有熱加黃芩黃連大熱及時熱加石膏  
有痰加竹瀝姜汁 如腫去犀角生地黃柏加防風香附滑石

茱萸木瓜湯 治腳氣衝心悶亂不識人手足脈欲絕

吳茱萸五錢木瓜一兩檳榔二兩生姜五片水煎服

活人檳榔散 治腳腫

橘葉一握沙木一握童便一杯酒半杯全煎汁調檳榔末二錢

木瓜散 治腳氣

大腹皮一枚紫蘇 乾木瓜 炙甘草 木香 羌活各等分  
共剉為末分三服每用白水一杯煎至半杯去滓通口服

本事方虎骨酒 去風補血益氣壯筋骨強腳力

真虎頸骨 萆薢 仙靈脾 薏苡仁 牛膝 熟地各二兩  
右細剉絹袋盛浸酒二斗七日後飲一杯再入一杯可得百日

檳榔湯 治腳氣

檳榔末三錢生姜三片蘇葉七片陳橘三枚水煎稍溫服

茵芋丸 治風氣積滯成腳氣常覺微腫發則或痛

茵芋葉炒薏苡仁各五錢郁李仁一兩牽牛子三兩研末兩半

# 急台景扁

## 腳氣證輯要

趙翰香居藏本

右為細末煉蜜為丸如梧子大每服二十九五更姜棗湯下未利加至三十九日三服快下為度白粥補此行水利濕之要藥

地黃丸 益氣血滋肝腎祛風濕壯腳膝為補虛祛邪之主方

熟地黃一兩懷牛膝釵石斛各三錢五味子二錢茯苓蓉茵芋防風川芎桂心附子薏苡仁各五錢蜜丸每服三錢空心酒下

思仙續斷丸 治肝腎虛弱脚不可踐地腰脊疼痛風毒流注下

部行止艱難小便餘瀝此藥益精涼血強筋堅骨

思仙木五兩即杜仲五加皮薏苡仁川續斷懷牛膝羌活防風各三兩萆薢四兩生地五兩右細末好老酒三斤化

青鹽三兩用大木瓜半斤去皮子以鹽酒煮木瓜成膏和杵丸如梧子大每服三四十九丸空心溫酒鹽湯下或加竹瀝全為丸

薏苡仁丸 治腰脚走注疼痛此是脚氣懷薏苡仁白芍茵芋

防風獨活各五錢熟地桂心橘紅各一兩附子一枚右為細末煉蜜丸如梧子大每服三四十九丸食前酒下日三服

古方雞鳴散 治脚氣五更時頻頻冷服能下黑糞冬月稍溫服

蘇葉 吳茱萸 木瓜 廣皮 各一兩 生薑 連皮 二兩 桔梗 五錢 檳榔 七個 共為粗末 分八服 每服慢火煎汁 兩次 和服

腳心腫痛或因久行久立致者以水和蚯蚓糞厚敷一夕愈  
風濕腳痛用鐵砂川烏頭為末和勻炒熱綿色熨之  
風冷腳氣白礬石煨三斤酒三斗漬三日稍稍飲之  
病後足腫或病時多服參致腫但節飲食外用狗脊煎湯漬洗  
膝風疼痛菊花陳艾葉作護膝久則自除

又方草烏細辛防風為末摻靴襪中及安護膝內能除風濕健步  
腳氣作痛蓖麻子七粒去壳研爛同蘇合香丸貼足心痛即止  
腳氣痛胯間有核生草烏頭大黃木鼈子作末姜汁煎茶調貼之  
又方草烏一味為末以姜汁或酒糟同搗貼之

腳氣入腹脹悶喘急酒下威靈仙末二錢如痛減藥隨減  
轉筋入腹吳茱萸炒二兩酒二盞煎一盞分二服得下即安

腳氣壅腫沙牛糞尿各一盞和陳酒一盞澄清磨檳榔一枚溫服  
風濕腳氣紫蘇子高良姜橘皮等分蜜丸梧子大每服十九酒下  
腳氣衝心白礬三兩水一斗五升煎沸浸洗 腳氣芸薹煮食良  
腳弱痺痛松節煮取汁釀酒取清飲之良 腳氣蒜煮鱉食之良  
腳氣痛痺大麻仁一升研碎酒三升漬三宿溫服 又食蜆肉良  
腳氣作痛金銀花鮮藤末二錢溫酒下 腳氣上衝田螺煮食  
腳氣衝心吳茱萸生薑搗汁服甚良 天蓼除腳氣煮濃汁漬之  
乾濕腳氣薏苡仁和郁李仁作粥常服良 腳氣宜食紫菜

風熱腳氣苦竹筍煮食之 腳弱無力匾粟風乾每食十餘枚

以上彙集腳氣諸方最為靈便此外如活絡丹還少丹虎潛丸  
二妙丸三妙丸及五加皮酒虎骨木瓜酒之類亦可隨症酌用

喉痧症總論

喉痧一症。嘉道間南省多有之。當時陳繼宣著疫痧草。極論此症之病機。治法瞭如指掌。辛丑壬寅間。甬地劇發。僕曾重刻是書。附以張紹修白喉捷要。按法施治。全活甚多。彼時以患喉為主。而有發紅痧有不發紅痧。至癸卯歲。則喉症而兼紅痧者多。始則斑點隱約。繼則密如雲布。甚則變白變黑。而成壞症。初起治以消風敗毒。泄熱化痰。活血之劑。漸進清氣滋陰降濁柔肝和胃之品。取效甚捷。或投以各種吹藥。如錫類散。須男女指甲互用方有效金鎖玉匙散。六神丸。紫金錠。玉鑰匙之類。漱以各鮮藥汁。如土牛膝根。萬年青。葉生蘿。葡萄汁。鮮橄欖汁之類。以吐盡毒涎為度。隨後各視其氣體而調劑之。當無不痊。可者要之。喉痧紅痧是一而二。二而一之。見症須



求其主病而治之。就六淫而論。則有風溫之喉症。有暑暍之喉症。有秋燥之喉症。有傷寒之喉症。有天行時疫之喉症。有濕溫濕熱之喉症。有陽毒陰毒之喉症。就一體而論。則有風痰閉塞之喉症。有肝脾鬱結之喉症。有肺腎虛寒之喉症。有三焦實火之喉症。有飲食積滯之喉症。有兒科痘疹驚風之喉症。有婦科胎產瘵熱之喉症。更有伏氣留邪。後時而發。惡瘡餘焰。乘虛而煽。煤硫瘴霧。諸氣之毒。隨觸而來。至挾疫癘。而蘊蒸其發。雖暴而尚多實象。或因陰虛而內陷。則勢似緩而已。屬危機。內經云。喉主天氣。咽主地氣。是咽與喉之受邪。既有區別。即用藥不能混同。臨症以來。經遇百數十人。悉心診治。多獲痊愈。亦間有治之不效者。約計之。不出三種。一為虛症。損怯已成者。一為實症。疫毒已陷者。一為雜藥誤治。

已多者故凡治喉痧總以標本兼顧為要旨先貴審因察脈辨證立方或兼吹藥或兼漱藥或外用敷藥或議用刀針庶幾合拍切勿專認白喉徒恃養陰忌表一法每致逼邪內陷昔賢名論甚繁惟葉天士有云溫毒外達多有生者寒涼強遏多至不救此數語最為扼要當奉為換骨金丹可也

慈谿張蘇茶禾芬甫稿

### 喉痧治案十六則

孫蓮洲三世兄年十六正月底患蝦蟆瘟初起未經消解毒留肺胃口噤頤硬躁熱不達粒米不進者已六七日余投消風敗毒之劑喉內確有癰膿轉延瘍醫請用刀針而瘍醫以病在垂危不治而去因病人大渴廼投元參荊芥散另用鮮忍冬藤數兩搗碎清水略煮絞取濃汁每日飲幾碗代茶如是兩晝夜忽吐出膿水盈

碗即將患處用藥漱洗再吹以紫金錠漸進調理藥而愈愈後皮脫肌錯咽乾音澀堅不服藥食白燕半斤諸恙漸平

盛省傳太史長媳陳氏先患濕溫挾肝經余治愈因陰分未復厥陽又熾兼感風邪時毒發喉痧甚劇夜間昏厥是日適為太史續婚賓客之知醫者或議投湯藥或議用刀針因邀余往診余曰此症勢雖急實是肝病外達之機如服湯藥須三日內加劇方可圖治喉底卻有膿毒然不必動刀針也因投泄肝祛風和陰消毒之劑而外症增重至第三日忽從帝中穴出膿碗許穴大如拇指深幾分進各種吹藥服湯藥一月而愈

此症卻可用刀因病者遇驚輒厥故以湯劑發膿

鄞友柴葆懷素有孝行在滬為業甲辰臘月二十八起病為寒邪包熱患喉症甚劇初起失於解表以致風寒內陷挾濕痰化火膠

滯不散。後醫復不導，木鬱達之火鬱發之之義，誤投洋參。麥冬、羚羊、犀角等方六七劑，神氣昏厥，語言不出，目瞪視脈隱伏，勢已垂危。因奄奄數日不絕。至正月十三日，其家人由滬扶歸。至甬，邀余診視。余曰：此緣煩勞傷肝，鬱火伏濕相因為患。兼風寒外束，時毒交侵，邪氣無由走泄。歷經寒涼，強過幾乎不救。症已至此，姑擬大竹瀝湯，用竹瀝、秦艽、麻黃、細辛、荊芥、川芎、鈎藤、橘紅之類，連投三劑。一劑而作轉，矢氣再劑而作噫，暖氣三劑而作兩大噎。十六早晨忽能言矣。老父冒雪過余，喜極偕往。遂漸見痊。可後因偶經肝鬱，左項忽患發頭，大如瓜瓠。迺轉延瘍醫，用圍藥數日，開刀日先服人參一錢，出膿毒許多。經調補兩月始愈。

蔡琴孫年十八，秉體金水兩虛，以中西學兼習，用功過度，心陽上

動適感冬令時毒致患喉痧誤用針刺忽頭面虛浮頸骨強直患處肉低陷色如銅綠表寒裏熱勢在危急邀余診治勉用元參升麻湯佐以吹藥毒勢向外綠色漸減因數日不更衣肌表尚惡凜迺投大黃荆芥散使毒從表裏兩解調治半月而痊

老友胡源卿年六十患喉癰兼重舌適余在鄉未回紛更誤治病勢日劇不能食不能言數日矣見余則兩目矐視痛苦萬狀迺以筆談隨問隨答捻其喉間汨汨有聲因口噤不能啟難施刀針難用吹藥脈象右滑實而急左微弦而軟知其體強嗜飲當是頑痰挾肝而兼風毒須投重劑雙解散用大黃人中黃黃芩山梔佐以荆防橘貝僵蠶鈎藤竹瀝石菖蒲汁之類一劑而勢減右脈稍緩左脈忽轉勁疾關部如奪索醫者多謂脈有脫象余曰此是肝經



風邪前次搏聚於肺胃與痰氣凝結者得通利藥而新舊之邪勢將分解故見此脈當是佳候遂以原方加減再投兩劑晨起忽嘔膿如注經一晝夜始止兩脈漸平連投清肺泄肝化痰降濁十餘劑康健如初

甬人孫某年四十許素體強盛先患棉花瘡兼感時邪遂發喉痧重證初起誤以治白喉法治之用養陰清肺重劑數服咽喉梗阻食物不下周身腐爛邀余往診余曰此瘍醫事耳診脈得滑實弦數知是胃毒最盛以陽明主肌肉故也先投升麻清胃湯重用石膏兩劑而喉閉始開四肢運動稍靈肌肉腐壞處亦見清晰惟大便乾秘內火尚盛表分似微凜脈數苔黃改投大黃荊芥散兩劑而便通火降繼進千金葦莖湯合犀角地黄之類數服病勢大減

急台彙編

喉痧治驗錄

古

趙翰香居藏本

一面另延瘍醫用外治藥每日調敷經兩月始就平復

奉化鄔某寓居甯城其子在鄉患陰虛喉痺略兼風邪醫進透表之劑初服較瘥連服數劑純見虛象廼扶至甬廩邀余往治見其喉間發白腭上少血色此是虛多邪少表藥過分連投養陰清肺湯十餘劑而愈越數日鄔媳忽患喉痧鄔某以養陰清肺湯有效亦不詳問病由亦不延醫診視竟將原方連投三劑是日晨起詢得病勢增重急邀余治余至病者尚端坐盥洗但言語不出見其喉間紫黯腐爛亦不多問其痛否頷之診脈右手已全伏左弦細而硬沉部極濇然行步尚似平人余曰此毒邪已深入臟陰疾不可為矣連請數醫諸法迭試無效竟奄奄而卒

同邑友馮某長子年十四七月患喉痧歷經誤治病勢轉危立秋

日邀余自甯城往診。至則病已奄奄。遍身斑疹。紫黯成塊。咽梗音嘶。喉間白點。糜腐診脉。浮部濡軟。沉部澹數。舌乾絡帶。剝檢閱前方。知為風毒已陷血分。先服香燥破氣之劑。而氣耗不能行血。繼服賸重滋陰之品。而血滯不能化毒。迺用清氣活血。託裏舉斑法。一劑先用鮮忍冬。藤竹茹各一兩。絲瓜絡。淡紫菜各五錢。寬湯煮汁代水。再煎丹參。丹皮。赤苓。赤芍。當歸。川芎。紫草。澤蘭。象貝。鮮杷葉。一劑而疹色紅潤。三更再進理肺泄肝和營消毒之劑。用南沙參。象貝。丹皮。銀胡。銀花。連翹。生甘草。紫花地丁。黃菊花。青黛。橘白。鮮淡竹。瀝生。蘿蔔汁。而身熱外揚。睡臥較酣。至黎明始醒。得小便通暢。熱退疹隱。神氣爽朗。語言清晰。喉恙頓瘥。早飯後因立二方。一方囑當日服。以肺胃並治。泄其餘邪。一方備第二三日服。以

寓補於清。顧其正氣。余即由慈城回甬。屬其戚陳某來問馮公子病狀。余答以入險出險如此。陳某因專人至彼通候。其司帳友覆函云。大公子已向愈。惟二公子又發。已將乃兄治驗之方。次第照服。越日陳某又來。述往探情節。余大驚曰。誤矣。誤矣。其次子病情必不同。豈有如此籠統投藥之理。數日果斃。

馮姓命婦年四十許。於七月末患鎖喉風。初起即不能言。神識忽明。忽昧。遷延數日。症勢愈危。是日傍晚由慈城急足至甬。促子往治。比至已三更。女傭出辭曰。主母已垂絕。不能再進藥矣。余知婦素體尚平。且進視之。則見仰臥。便榻首倒。垂面赤無汗。診脈右滑實而革。左弦硬如奪索。撬其口視之。舌垢膩濁。痰白腐。填塞喉嚨。即命尋土牛膝根搗汁半鍾。和鮮石菖蒲根汁半杯。用小匙由鼻

孔灌入約進十餘匙。忽噎唾俱作。口稍啟。即用牙籤插入口中。預備生蘿蔔汁。鮮淡竹瀝各二杯。鮮石菖蒲汁半杯。生薑汁一茶匙。滾湯套溫。頻頻灌下。頃間吐出頑痰。碗許。即能言矣。詢得喉間疼。痛。齧肉高突。兩旁腐白。再用土牛膝根。鮮石菖蒲汁。嗽滌喉底。又出毒涎許多。迺議用羚羊。鈎藤。荆芥。桔梗。薄荷。象貝。橘紅。殭蠶。竹瀝之類。以祛風滌熱。豁痰解毒。為主。治。另用玉鑰匙。紫金錠。及金鎖玉匙散。先後吹入喉底。以涎沫盡為度。次日即擬理肺清胃泄肝方。而回。越日去復診。脈症俱平。服藥數劑而愈。

方某妻。患喉風時症。經治初瘥。因出外就診。途次冒風。喉恙又劇。前醫復用清涼藥。是日晨起。忽目瞪口噤。急邀余往。知素有寒痰。得涼劑凝滯。半夜叫胸痛。旋即無聲。迺投麻黃。荆芥。橘紅。茯苓。殭



蠶蟬衣之類吞辟瘟丹疾開始開下午熱透進調理藥而愈  
袁某年三十許素體濕重有疾四月初感風溫時邪蘊熱不揚咽  
喉梗痛經治數日忽見厥象邀余往診脈弦澹沉數詢是濕痰挾  
風化熱搏入經隧兼有瘀血與時毒凝結為患須先化瘀豁痰祛  
風透熱方有轉機用荊芥穗忍冬藤青蒿梗紫草澤蘭赤芍丹皮  
杏仁桃仁絲瓜絡竹茹之類連投三劑一劑而身熱鼻衄再劑而  
痰血併出三劑而便下帶紅數日後熱淨脈和調理旬餘而安  
某婦年二十許患喉痧醫用喉科成方如甘桔湯銀翹散豆豉荊  
芥散牛蒡解肌湯之類連投五六劑兼授吹藥病勢日劇邀余至  
已口噤喉閉不能出聲幸通文字囑以筆述病由知為月事適行  
感風發熱而經停挾肝上升而咽痛撬視喉底已腐爛不堪脈弦

數極瀆。余曰：此瘀血毒熱上乘，清道當從蓄血症論。治用桃仁承氣湯，合銀翹敗毒散，得惡露下行而愈。

王姓女，年十四，經始行，患喉痺。醫用喉風症套藥，清涼透表過分，血瀆不行，喉間彌塞，食物難入，胃亦無味，已付之不治矣。其母為他病來就余醫，述其女病狀云：有邪魅，以多夢紛紜帶下如注，面黃肌瘦故也。余囑其扶之來，姑診視之。至則神色眊白，鬱熱內燔，寒涼外束，腠色少紅潤，喉肉胥脹而不甚痛。先用逍遙散，重佐芎歸，使熱勢外達，繼進養血通經，肺脾並治之劑。先後俱兼，用金鎖玉匙散，頻吹喉底，旬日而愈。

鄞邑秦氏子，初起身熱咳嗽。醫投柴葛羌防等品，而邪不解。日就沉昏。醫復指為勞熱骨蒸，投洋參麥冬知母鱉甲之類，而咳聲不

出困憊愈甚。忽一夕奄奄欲絕。因邀余往。彼余診其脈細澹動促。審視痰涎薄白而黏。撓喉嚨視之。見喉底深處毒涎彌滿。留肉腐漲。知為少陰虛體喉痺症也。先用漱藥解毒去涎。繼用湯藥和陰清絡調治而安。

顧文曜君世兄年十二。喉痧愈後。由甬來滬。船次冒風復發。已音塞不語。兩目瞳視。胸高氣急。屬余往診。檢前方係香燥透表破氣劫陰而毒反陷。急用萬年青葉搗汁刷喉底去毒涎。再吹錫類散服蘿蔔汁淡竹瀝。吐出痰涎。進清肺消毒藥數劑而愈。

宋氏子六歲。患濕溫時毒。紅疹白痞相雜。昏悶不透。有一妹已一夕而亡。其家更急。邀余診治。察脈後問有喉痛否。曰無之。余曰。此是喉痧內陷。風毒留着。孫絡也。如法透之。喉反痛。經治迺愈。

元參升麻湯 治時行風熱咽喉壅腫痰涎凝結見古方選註

元參 連翹 牛蒡 僵蠶各二錢 桔梗一錢 升麻八分  
防風 黃芩 黃連 甘草各六分 共煎汁先噙漱時時細嚥

荆防葛根湯 治風寒外束毒火內蘊清道閉塞身熱喉爛

荆芥 防風 葛根 香豉 僵蠶 薄荷 象貝 橘紅  
鈎藤 蟬衣 山梔 十一味 煎汁沖竹瀝生蘿蔔汁

銀翹敗毒散 治煩熱不解喉閉音澀毒火內攻神氣昏濁

金銀花 鮮更好 連翹 馬勃 蟬衣 桔梗 甘草 薄荷  
丹皮 梔皮 象貝 共煎汁沖竹瀝生蘿蔔汁吞紫金錠

牛蒡解肌湯 治身熱喉痛頸項結核咽乾口燥無汗便閉

牛蒡子 薄荷 荆芥 連翹 山梔 丹皮 生甘草  
夏枯草 桔梗 象貝 石斛 淡竹茹

葛根芩連湯 凡喉痧症協熱便溏身熱口渴不可妄用溫瀋之

藥以止瀉急用仲景葛根芩連湯隨症加減 葛根 黃芩 生甘草

黃連解毒湯 治重脛喉癰風火結毒等症 黃連 黃柏 黃芩 生山梔 各一錢五分

喉痧治驗錄

趙翰香居藏本

元參荆芥散 治體虛邪實風陽鬱冒表寒裏熱咽乾喉痛

元參 荆芥 桔梗 丹皮 赤芍 銀花 連翹 象貝  
生甘草 竹茹 橘紅 絲瓜 絡 川石斛 鮮青果

犀角地黄湯 治邪火熾盛津液劫奪喉爛口乾舌絳目赤

犀角 生地 丹皮 赤芍  
一方有連翹生甘草

竹瀝秦光湯 治風寒搏熱痰凝氣結項核喉痛目瞪語塞

竹瀝 秦光 麻黃 細辛 僵蠶 橘紅 勾藤 荆芥穗  
象貝 鬱金 薄荷 石菖蒲 此症冬盡春初喉痧有之

羚羊竹瀝湯 治肝膽火盛痰熱攻竄入絡喉痛厥逆手足瘳癢

羚羊 竹瀝 鮮石菖蒲 鈎藤 生山梔 薄荷梗 象貝  
僵蠶 連翹 鮮忍冬藤 黃連 青黛 橘紅 絲瓜 絡

升麻清胃湯 治棉花瘡毒上攻咽喉肌肉腐爛壯熱煩渴

升麻 一錢 石膏 人中黃 各五錢 生丹皮 生梔 紫草  
赤芍 紫花地丁 金銀花 各三錢 知母 青黛 橘白 各一錢

千金葦莖湯 治濕熱鬱蒸咽喉梗痛肺大腸津液不行 此症最多



鮮葦莖二兩 生米仁一兩 冬瓜子四錢 桃仁二錢  
吳鞠通加杏仁三錢 滑石四錢 能治伏暑化熱搏入血分

雙解散 治表裏俱熱痰涎凝結二便閉塞一切喉風喉痧喉癰

膠上癰單蛾雙蛾猛疽重舌大頭瘟蝦蟆瘟諸險惡危急之症

大黃 人中黃 元明粉 葛根 牛蒡 荆芥穗 金銀花  
連翹 生山梔 薄荷 蟬衣 桔梗 青黛 橘白 竹瀝

化毒透斑湯 治喉痧不達疹色赤白斑隱神昏痰凝氣閉

鮮忍冬藤二兩 絲瓜絡 紫菜 各一兩 先煎汁代水 丹參 丹皮  
赤苓 赤芍 當歸 澤蘭 連翹 象貝 荆芥 竹瀝

桃仁承氣湯 治瘀血化熱痰濁上攻喉痛音澀便秘津枯

生大黃 桃仁 芒硝 生甘草 加銀花 赤芍 丹皮  
青黛 白微 絲瓜絡 鮮青果 煎汁沖淡 竹瀝 生藕汁

清燥救肺湯 治秋令燥熱肺虛喉痛痰乾音嘶肌膚甲錯

南沙參 石膏 桑葉 杏仁 麥冬 竹茹 橘白  
瓜蒌皮 生梨頭皮 生甘草 鮮枇杷葉 連服頭煎

普濟消毒飲 治瘟毒喉痛頰腫耳前後腫俗名大頭瘟蝦蟆瘟

喉痧治驗錄

趙翰香居藏本

元參 連翹 銀花 桔梗 牛蒡 僵蠶 板藍根 甘草  
馬勃 薄荷 荆芥穗 鮮葦莖 症重者日二三服

加味逍遙散 治肝虛火旺頭痛目眩頰赤口苦咽喉乾痛

生白朮 西歸身 丹皮 炒山梔 炒白芍 茯苓  
銀柴胡 薄荷梗 青蒿梗 生甘草 鮮青果

青龍白虎湯 治一切喉症平淡而有奇效

鮮青果一兩 鮮蘿蔔二兩 搗汁開水沖服 如有鮮金銀連藤  
鮮菊花連葉幹 搗汁和入 更為靈驗 無論虛症實症均可用

除瘟化毒散 治白喉初起凡單蛾雙蛾一切喉痛皆可服

葛根 黃芩 生地 梔仁 僵蠶 象貝  
山豆根 木通 蟬衣 甘草 冬桑葉

神功辟邪散 治白喉稍重正氣已虛毒勢尚盛

葛根 生地 木通 連翹 僵蠶 象貝 黃芩 牛蒡  
麥冬 銀花 蟬衣 馬勃 鮮青果 鮮竹茹

神仙活命湯 治白喉重症肝熱內熾胃液乾枯

龍膽草 銀花 黃芩 土茯苓 生地 木通 生石膏  
象貝 車前子 馬勃 蟬衣 僵蠶 鮮青果

龍虎二仙湯 治白喉險症毒勢蔓延三焦大盛危在頃刻

龍胆草 大生地 生石膏 元參 黃連 犀角 生梔 板藍根  
牛蒡子 知母 蠶蠶 木通 甘草 黃芩 馬勃

鮮青果 陳粳米 以上四方本張紹修白喉捷要須辨症之  
輕重用藥重者日投二三劑如有他症亦可臨時加減

養陰清肺湯 治少陰咽痛喉間白腐表邪已解者

元參 生地 麥冬 白芍 丹皮 川貝 甘草 薄荷梗  
如虛甚者生熟地並用熱甚加連翹酒客加鮮葦莖大天冬

聖濟透關散 治肺熱氣閉喉腫頸大滴水不入命懸呼吸

雄黃 猪牙皂 去皮并子 藜蘆 去皮用仁 白礬 各等分  
合研為末先含水一口用藥一字許吹鼻中吐去水涎出即愈

白喉忌用藥味列後

麻黃 射干 荊芥 桔梗 羌活 防風 杏仁 花粉  
牛蒡 黃芩 柴胡 川芎 桑白皮 紫荊皮 山豆根

此十五味相傳為白喉之禁藥然張紹修白喉捷要方內亦有

牛蒡黃芩山豆根亦應量人虛實寒熱可用則用之若本非白

急治彙編

喉痧治驗錄

趙翰香居藏本

喉為一切風熱時毒喉症。俱不在此禁例。

附漱喉方二則。用鮮土牛膝根一名古治風藤根。洗淨搗汁。隔湯燉微溫。頻頻漱之。極效。治一切喉症。消腫散血。止痛化痰。又方用萬年青葉。洗淨搗汁。滴醋少許。頻漱其喉。能出毒涎。效驗如神。倘喉已破爛。不可加醋。

以上採輯各種喉方。俱取簡明習用。如傷寒金匱之陽旦湯。豬膚湯。治少陰咽痛。雄黃蜀椒湯。升麻鼈甲湯。治陽毒陰毒喉痛。尚未備錄。至應用丸散吹藥。如玉鑰匙。冰硼散。錫類散。珠黃散。人中白散。金鎖玉匙散。六神丸。紫金錠。至寶丹。辟瘟丹之類。非臨時所能猝辦。藥肆多有製備。俱可隨症購用。茲姑從略云。

慈谿張懌茶莘野甫又識

五疫症治辨

素問遺篇詳載五疫曰金疫木疫水疫火疫土疫金疫亦名金癘水疫名水癘亦名寒疫本五運六氣以分隸某干支主患某疫其實五疫之症古今俱有但微甚不同耳惟主定若何年歲若何病狀則有不盡然者僕生長南方自幼體羸課授之暇輒喜岐黃數十年來所治疫症不少初時每取古書中如仲祖疫病篇丹溪瘟疫證治吳又可瘟疫論余師愚疫病篇陳士鐸瘟疫治法戴麟郊廣瘟疫論坊間翻刻本偽作鄭奠一瘟疫明辨輒奉為圭臬其有全是熱毒症者諸書已無賸義抑有並非熱症而傳變迅速者則先賢雖各有論說或謂寒濕霍亂或謂三陰傷寒或謂吊腳痧或謂秋燥症或直稱寒疫大都舉此遺彼語焉不詳

五疫症治辨

趙翰香居藏本



就僕所見實不外內經五疫木土二疫南方多有之木疫即春令風溫而挾時毒土疫即夏秋濕熱而兼厲氣但沿村闔戶症狀相似如役使然即是疫病考歷代名賢諸論暨國朝葉天士溫熱論薛生白濕熱論吳鞠通溫病條辨王孟英溫熱經緯參以各種瘟疫論按法施治當可取愈

若火疫金疫水疫幸不多發發則症勢猖狂危急萬分非有單刀直入之重劑斷難奏效若模稜兩可博穩妥之美名延誤時刻即與殺人無異况前醫誤治後醫無從措手此方不效他方更不敢進今日不瘥明日立見危殆要知此等病症猶如譜棋看似險著若真有見地對症立方苟非元氣虛竭多可全活

火疫多發於夏令乾旱如甲午省試不下露者一月有餘杭城熱

症大作。初起頭痛昏悶。霎時僵直。體若燔炭。或熱入心包。內閉外脫。或狂叫數聲。嘔血而絕。腐氣薰蒸。倏忽傳染。其對症藥如疫邪尚在氣分。以白虎湯為主。治虛者加西洋參。虛甚用人參。兼濕熱者合薏苡竹葉散。或甘露消毒丹。重者日二三服。石膏少則數錢。重則一二三兩。如疫毒傳入血分者。犀角地黃湯。人中黃丸。清瘟敗毒散。神犀丹。選用若疫毒攻心。氣血兩燔。神識昏蒙者。黃連解毒湯。涼膈散。三黃湯。玉女煎。清營湯。隨症酌服。須佐行軍散。紅靈丹。或紫雪丹。調服。此治大疫之大概也。

金疫多發於秋分前後。憶丙申八九兩月。甬郡劇發。其病以燥邪為主。或感溫燥。或感寒燥。或兼驚邪。或兼肝鬱。或裏裏濕。或襲外風。或本陰虛。或因食滯。要皆有時行毒厲之氣相挾而來。故病勢

較秋燥症為重。甚至立時昏閉。湯丸針刺俱所不及。或肺胃阻塞。藥不下咽。或元氣衰敗。肢冷汗厥。或津液乾涸。求汗吐下而不得。或疫毒入臟。腹痛泄瀉。隨瀉隨脫。其有轉機者。或變濕熱。或變瘧疾。或變久痢。必須淹纏時日而愈。抑仍歸不愈者。有之初起治法。以開通肺胃之氣為主。治但宜辛涼。不宜香燥。如兼寒者。亦只宜溫潤。不宜剛烈。大旨以喻氏清燥救肺湯為主治。或暫緩麥冬阿膠之滋膩。倍用桔梗。加鮮石斛。鮮石菖蒲。生梨皮。鮮淡竹。瀝生蘿蔔汁之類。以護肺元。而利肺竅。豁燥痰而行脾濕。為主治。如須取吐者。用人參。蘆竹瀝。鮮石菖蒲汁之類。如疫毒重者。須用紫金錠。犀角。羚羊。人中黃。生大黃。紫花地丁之類。如疫邪已解。肺胃津液未復。須用沙參。杏仁。貝母。石斛。鮮葦莖。梨汁。金汁之類。以清氣和。

陰為治如熱邪內灼血分乾枯須佐生地丹皮赤芍懷牛膝紫草  
人乳之類以柔肝養血為治如熱結津枯肺大腸氣化不行大便  
乾秘者須用瓜蒌仁桃仁大黃芒硝之類以降濁破結為治此又  
金疫之病變多端而猝不及防者也

若水疫之發則較木土二疫為少而較金火二疫為多勢較金火  
二疫為緩而較木土二疫為急近數年來迭發二次壬寅劇發於  
六七兩月丁未劇發於七八兩月患者或先吐後瀉或先瀉後吐  
或吐瀉兼作手足拘攣或不吐不瀉而腹絞痛腳筋抽掣設虛汗  
脈縮肢冷口噤目瞪神呆即腹不痛腳不吊已是脫象若無汗脈  
伏音嘶口渴吐利厥冷痛苦萬狀尚是陽氣為陰寒所遏有脈通  
陽之劑而愈者或虛汗淋漓嘔逆脹痛大渴煩躁狀似白虎症而

五疫症治辨

趙翰香居藏本

手足逆冷脈細如絲舌苔灰白實虛寒之極肺脾胃已將告竭而跌陽太谿脈尚應指是腎元未絕有投溫補脾腎之劑而起死回生者此症大旨以和肝平胃運脾護肺溫腎為主治大忌針刺開泄及湯藥發汗當取古方中之確切病情者如理中湯四逆湯白通湯參附湯木附湯真武湯蜀椒建中湯來復丹霹靂散選見古方雷公辟瘟丹半硫丸玉壺丹外治如靈寶妙應丹五香散用藥敷氣海穴蓋以清涼膏艾火灸之可以旋轉生機此又水疫之病機治法毫釐千里者也

要之五疫之症勢起倉猝或急不待治而敗或方不對症而敗或藥不及病而敗因思疫症之書既多大抵偏主溫毒而明辨五疫者少謹就管見所及大略陳之以冀海內



有道君子。匡所不逮。是則私心竊禱者爾。

五疫之名。自古有之。前賢亦無分別治法。就僕所診治。木火土

三者。病情往往相似。惟金水二疫。則截然不同。至石頑先生所

述。有大頭瘟。頭面腮頤腫如瓜瓠者。治以普濟消毒飲。有捻頸

瘟。一名蝦蟆瘟。喉痺失音。頸大腹脹如蝦蟆者。治以荆防敗毒

散。有瓜瓢瘟。胸高脇起。嘔汁如血者。治以生犀飲。有楊梅瘟。遍

身紫塊。忽然發如黧瘡者。治以清熱解毒湯。下人中黃丸。并刺

塊出血。有疔瘡瘟。發塊如瘤。遍身流走。且發夕死者。治以人中

黃散。用三稜鍼刺委中。三分出血。有絞腸瘟。腸鳴乾嘔。水洩不

通者。治以雙解散。并用探吐法。有軟腳瘟。便泄清白。足腫難移。

濕熱遍行者。治以蒼朮白虎湯。病名雖多。總之不離五疫者。近

是如近年滬甬各處所患癘螺痧亦即是五疫中脾敗之症又數年前粵省盛行鼠疫其症周身結核發熱脹痛初起不得治法傷亡甚多後有羅芝園廣文著鼠疫彙編用王清任解毒活血湯回陽湯及吳鞠通普濟消毒飲全活者衆又有羊毛癩用十字街心上冷水為丸擦病人胸背心腹俟丸擦熱破開有羊毛另換再擦以羊毛淨為度用白菊花連根葉搗汁壹碗滾酒沖服其症即愈按鼠疫病狀多與石頑先生所稱疔瘡瘟者相類總是疫毒深入經隧血絡凝阻風痰流注症雖危險及時施治當可救療不必竟驚為奇病也慈谿張龢茶禾芬甫稿

此論援古證今言簡意賅發前人所未發直是治疫症之毅的可與前輩諸名論並垂不朽

同郡愚弟王在欽謹識

嘉興徐子默先生吊腳痧方論

論吊腳痧與霍亂相似不同

霍亂之症吐瀉者為輕不能吐瀉者為重或取嘔或引吐或攻下或外治挑刮或內服痧藥因其病由於熱閉噎則開其肺氣吐則開其胃氣下則開其脾氣挑刮開其皮毛經絡之氣痧藥開其臟腑之氣總取其通通則氣行而熱亦洩矣從無愈吐愈重愈下愈劇者此吊腳痧之不同於霍亂也蓋霍亂為病發於陽吊腳痧為病發於陰霍亂為熱吊腳痧為寒霍亂初起心中不爽不吐不瀉必須引吐引瀉使其熱毒一出中脘即鬆中脘鬆則四肢必溫吊腳痧初起心中不爽非吐即瀉必須治吐治瀉倘陰寒不散中脘關住即四肢漸冷更參之病機外象何致涉於疑似哉

論吊脚痧有吊不吊之別

吊脚痧為寒。寒主收。收則筋脈抽掣也。熱症之筋脈抽掣不甚痛。而手足溫和。寒症之筋脈抽掣必大痛。而手足作冷。其先吐下而後抽掣者。無論手足溫與不溫。即為寒症。若未吐下而手足先冷。後抽掣者。更為寒症無疑。間有不抽掣者。一為寒輕。一則氣敗也。寒輕者外象亦輕。自是輕症。氣敗者外象必重。雖不吊亦能傷命。

論病機

足之三陽從頭走腹。陽脈以腹為止也。足之三陰從頸走足。陰脈與頸為齊也。陰寒直中三陰。故吊脚者多。吊手者少。症之輕重。以吐瀉辨之。吐者輕。瀉者重。先吐後瀉。先瀉後吐者。皆重。吐瀉一二次。即止者為輕。吐瀉三四次不止者為重。吐瀉一二次。手足即冷。

脈漸細隱者亦重吐瀉三四次手足溫和脈仍分明者尚輕輕者或可緩治重者急救猶恐無及也蓋中焦以上為陽中焦以下為陰陰不犯陽則清氣安於上而無吐症陽不陷陰則濁氣安於下而無瀉症若兼吐瀉則清濁混淆陰陽易位三焦失其所司矣故患是症者胸中未有不格塞氣悶迨至龍雷之火上騰其人必煩躁渴欲飲冷或撒衣被此內真寒而外假熱也喻嘉言云地氣加天非日光照射不能消散此言深得仲景治三陰之旨亦即吊腳痧用熱藥之法也倘誤進涼劑生冷必速其危或無食而藥專消食徒致消氣終不能除其塞悶耳

### 論吊腳痧為寒閉

熱霍亂以吐瀉為通吊腳痧以吐瀉為閉蓋霍亂之症或因觸臭



或因暑熱或因飲熱飽食其人先本有熱而又氣閉但得吐瀉熱氣一洩正氣即通矣若吊腳痧之症乃寒邪聚結中州上冲於胃胃竅一閉即刻作吐下冲於脾脾竅一閉即刻作瀉脾胃屬中土而旁達四肢中土衰敗無氣可布先冷足後冷手者責在脾腎也先冷手後冷足者責在肺脾也四肢厥冷經絡之氣閉矣經絡之氣閉則寒邪踞住要路不使正氣出入血液因冷逼而凝矣血液一凝故筋脈漸縮而不能伸也症之輕者或用薑汁燒酒或煮滾椒桂調塗亦能化寒如氣漸敗可用火灸然不服溫經通陽之藥則外熱總不能勝內寒故治閉必先助氣助氣必先溫陽嘗見富貴人不惜參朮而懼薑桂若遇重症則薑桂稍輕參朮終無濟耳

論脈象

弔腳痧之脈最忌一見吐瀉六脈盡伏重按如魚翔蝦游或病尚未發而寒邪已中脈先沉細如絲病起即難尋按此第一危險之候其外象必冷汗頻出周身如水咽中作怯力狀脫在頃刻間矣若由漸而重者必左手先閉漸至右手必兩寸先閉漸至關尺或病勢雖重六脈雖細猶分明者尚可救治若初起外象不重而六脈如絲或盡伏者必致轉重極難挽回倘盡伏之脈或因進藥而頓起反洪大者仍死脈微續者可生至脈復之後總須手足轉溫吐瀉漸止方可無慮其有兩寸洪大而兼數關尺模糊者若其人但吐而不瀉則是熱霍亂病倘兼泄瀉則為弔腳痧中之格陽症矣其人必煩躁發狂渴欲飲冷須辨其寸關洪大之有力無力有力者按之如有綫索尚為可救無力者按之東蕩西浮則難治矣

再兼手足厥冷更凶。然此症見此脈者亦不過十中之一二耳。

論用藥

寒症用熱藥須連服頭煎二煎無益反害必一劑加重一劑最要  
服藥味苦口帶辣略加涼藥為引如少佐苓連之類庶不格拒

治弔脚痧之藥首在溫經通陽以祛寒邪以歸陰火選用之方不  
外大建中湯小建中湯桂枝湯四逆湯真武湯吳萸湯六味回陽  
飲黃連進退湯乾薑人參湯烏梅丸十四味大建中湯參附湯諸  
方然必合衆方以相參主一方以用藥如大小建中湯建立其中  
氣者也中氣虛寒當中作痞須參用之桂枝湯四逆湯吳萸湯則  
四肢厥冷陰寒下利腹中疼痛者宜取用也真武湯則取鎮定北  
方不使陰寒水勢上泛而蛟龍各宅其位也參附湯薑附湯則治  
冷汗欲脫元氣盡敗救陽中之陽也十四味大建中湯六味回陽  
飲則救陰竭陽危陰陽並脫也烏梅丸黃連進退湯則救陰傷口

渴煩躁嘔吐下利中脘隔住津液不能上供也。以此數方為主。症輕者分兩從輕。症重者分兩加重。內經云有者求之無者求之。按症用藥庶幾不泥於古。不離於古矣。至病退調理別有平法。

### 論用藥須察氣體

吊腳痧之症多死。虛寒飽食肥胖勞頓之人。虛者本原不足。正氣易敗也。寒者素有腹痛便溏腹脹氣滯諸恙。寒氣再中。元陽必敗也。飽食者寒邪一閉。氣不能升也。肥胖者氣分不足。腎精虧損。寒氣一中。藏氣先竭也。勞頓者脾腎氣傷。寒氣乘虛而入。周身並乏也。凡治虛體於溫藥中多加參朮。治寒體無論有無冷汗厥逆。即重用參附薑桂。飽食之體必重用消食。佐以溫通。肥胖勞頓之體須大補肺脾腎。佐以溫陽方為合法。其有熱體而患吊腳痧者。則

用溫經通陽之藥。須如分而止。倘過分則陰傷矣。陰氣受傷。則腳  
痧雖愈。而病必淹纏。大抵手足已溫。吐下已止。陽回之後。熱藥即  
不可造次也。如服附桂而口苦。咽中燥痛。或胸前熱。是熱象已見。  
方中宜參用苦降辛通救陰之法。而黃連可稍重。然亦不過七八  
分而已。欲用涼藥。先以川連探試。為穩。其餘涼藥多性滯也。若進  
黃連而熱象不減。然後稍用滋陰之品。如麥冬、生地、丹皮、石斛之  
類。審症用之。然必須手足溫。吐下止。見有熱象者。方可用耳。若遽  
投涼劑。恐寒氣復起。不可救矣。總之。吊腳痧之來。其治要急速。吊  
腳痧之去。其治要次第。有熱象者。用清涼復陰。無熱象者。用開胃  
健脾。或佐平肝之法。大意不出乎此。

論舌色



熱霍亂之舌色必紅。吊腳痧之舌色多白。以寒邪結於胸中。故舌現白苔。如病初起。舌上無苔。雖極口渴。而舌不燥者。即吊腳痧之證據。後現白苔。為寒邪透發也。仍宜溫藥。若轉黃苔。方用清涼。倘醫家專用純陽藥。如用桂不用芍。用薑附桂不用歸芍。茯苓牡蠣。則陽藥固能治寒。而純陽實能傷陰。每見吊腳痧。舌現鏡面紅色。而仍雜白苔成堆者。蓋胃中之寒邪未盡。腎中之陰精已涸也。最為難治。此為立方不識陰陽者戒。

### 論吊腳痧重症必坐守服藥

吊腳痧重症。與常病不同。初煎不效。二煎再進無益。一劑無功。若次日再進三劑。已無及矣。昔薛立齋治一格陽症。煩躁發狂渴欲飲冷。按之六脈如絲。立齋以六味回陽治之。用附子三錢。薑桂等

味俱重。病家再三請減。不得已減半而進。諸症更甚。幸立齋坐守。復切脈曰。手冷過肘。足冷過膝。六脈如絲。如此輕劑。只到得胸前。助其浮陽耳。必照前方。分兩方妥。重用一帖。而諸症悉平。設改用涼藥。或不服。重劑必死。弔脚痧如此死者。不計其數。病家宜知之。

論病發深夜急先自治

深夜忽發。弔脚痧。無從延醫。而吐瀉不止。及至天明。冷汗頻出。已無救矣。必須病家先自切脈。看其兩手之有脈無脈。再看其神氣之明白糊塗。可知輕重。輕者。或可緩治。重者。急取生薑三四兩。用滾水打爛。大杯中。漚取姜汁半杯。不必重溫。漚出。即灌。如灌下。即吐。加川連數分。再灌。如仍吐。加桂枝八分。烏梅八分。半夏二錢。共煎濃湯。生薑二三兩。取汁和入。候冷再灌。可以止其吐矣。外用火

爐隔衣運腹及兩腿其弔痛者一面火烘一面捶敲由下敲上初  
烘初敲之時病人必多煩躁或腹中痛或足弔難忍之極不令烘  
敲切勿聽從停止待熱氣一透又有姜汁兩助自必其勢漸緩然  
後再商進藥之法如此救治未有不愈者故欲防此病莫若家中  
多藏生姜以備急需

### 預防弔腳痧法

暑熱之時切忌飽食貪涼露卧或微覺不爽胸前泛泛頃刻非吐

即下急宜服藥胸前不快者用鮮藿香梗五錢砂仁末五分炒沖

廣皮錢五分焦曲錢五分廣木香五分甘草三分煎湯飲之無論

熱痧受暑皆可治也胸前泛泛者加法夏錢五分炒干姜六分腹

中痛者加淡吳萸四分開口川椒三分手足作冷者加桂枝五分

弔腳痧方論

十 趙翰香居藏本

薄荷梗 錢半 頭痛畏寒者加桂枝 五分 蘇梗 錢五分 生姜 二片 杏

仁 三錢 隨服隨應 此治吊腳痧之平藥也

吊腳痧方

氣悶胸前泛泛 周身不爽 未吐瀉者

藿香 錢半 廣皮 錢半 茯苓 四錢 淡干姜 八分 法夏 錢半 杏仁 三錢

菴仁 五分 六麴 二錢 陳佛手 一錢 用河水兩碗煎至八分温服

嘔吐

吳萸 五分 炒川連 四分 桂枝 八分 法夏 錢半 淡干姜 八分 茯苓 四錢

酒炒當歸 二錢 炒白芍 錢半 廣皮 錢半 生姜 三片 用河水

二碗煎七分温服 服後仍嘔吐者急用生姜兩許搗汁和入

冷服 如仍不止加烏梅肉 錢半 全煎仍搗生姜三兩取汁和入

冷服無有不止者。常有嘔吐極甚連虵而出者。此寒氣逼蟲上游也。照方加淡吳萸四分。開口川椒三四分。烏梅肉錢五分。全煎仍加入生姜汁冷服。蓋蟲得苦則降。得辛則下。得酸則收也。忌食甜物藥忌甘草。

### 厥逆

人參一錢另沖錢麥冬三錢北五味五分淡附子八分桂枝一錢歸身

三錢炒白芍錢五分茯苓五錢生姜二兩搗汁法夏錢五分甘草

五分左牡蠣四錢用河水二碗煎至六分入人參姜汁溫服此

生脈散四逆湯之大意也。如兼嘔吐去甘草麥冬加川連分三

廣皮一錢兼下利去麥冬加吳萸四分焦木一錢兼腹痛

去麥冬加吳萸四分廣皮錢五分杏仁二錢兼中脘悶去麥



冬五味加川連

四分開口川椒

四分姜

廣皮

錢五分

鹽水炒兼吊腳

者去五味加木瓜

錢五分

一煎不效

二煎參附生姜各加一半

陽不回者再進一劑倘無力用人參以東洋參二三錢代之

### 下利

人參

一錢

另煎焦於木

二錢

茯苓

四錢

淡干姜

八分

桂枝分甘草分

淡吳萸

三分

歸身

三錢

炒白芍

二錢

肉果霜

一錢

左牡蠣四錢

五味子

八分

淡附子

八分

用河水二碗煎七分溫服如服後利

仍不止加御米壳

三錢

腹痛者減術一半去肉果霜加小茴香

錢半廣皮

半錢

如中滿嘔吐加川連法夏

腹滿停食加六麩錢二

麩積加焦麥芽肉積加焦山查元氣虛者切勿用枳榔枳實

### 煩躁

川連五分淡附子六分麥冬三錢炒白芍三錢桂枝七分五味六分煨牡蠣兩一

淡干姜八分炒黑茯苓六錢歸身三錢甘草四分用河水二碗煎八分冷

服按煩躁有三此方所治乃陰竭煩躁格陽於上之症也蓋

煩出於心躁出於腎陽上格故心煩陰先竭故腎躁若無中滿

下利兼症方中加生地熟地丹皮知母更驗大便溏泄加焦朮

### 口渴

人參一錢川連三分川石斛三錢淡干姜一錢麥冬三錢茯苓四錢

炒白芍半錢焦於朮半錢歸身三錢桂枝六分甘草四分桔梗五分烏梅七分

用河水二碗煎八分冷服如無痞滿格阻者酌加地黃余治

小兒虛寒下利煩躁口乾或唇赤舌絳目紅往往加地黃三錢

極效按此症口渴非熱極而渴實由下利之後津液下迫上焦

## 急台景編

### 吊脚痧方論

十二趙翰香居藏本

脂膏盡為下拔。若任意飲水，愈下愈渴矣。

### 冷汗

人參一錢附子半錢黃耆五錢淡干姜半錢五味八分當歸三錢於木二錢

煨牡蠣六錢桂枝半錢茯苓六錢炒白芍三錢炙甘草八分麥冬三錢用河水

二碗煎八分溫服。如兼煩躁者，冷服。凡冷汗微出，即宜服此。若

至周身冷汗氣喘，則無及矣。方中參附兩味，難以限定。能下

咽者，須一劑加重一劑，總以汗止轉熱為度。若遲緩，須臾即危。

大抵微汗出者，十救其八。大汗出者，不能救一二也。按附子入

足少陰，回元陽本為斬關奪將之品。近時藥肆中泡製極淡，功

效甚微。若遇危險之症，須生用一半方效。如當冷汗不止時，僅

用淡附子數分，何濟於事。即服二三錢，亦不為多。又用附子

必與生薑同用。始熱而速。若不用姜。則附子之熱性甚遲。難以立效。而附子又得桂始行。蓋冷汗乃真陽外脫。溫經則陽回矣。然必靠定手足厥冷一條方可用。

### 論弔脚痧諸方

弔脚痧所用之方。大抵分病不分藥。其間加減輕重。不過嘔吐多者。治嘔藥多一二味。下利多者。治下藥多一二味。嘔吐忌甜。則減甘草。中脘格塞。則減白木之類。如腹痛。則以溫通為主。或但下不吐。即嘔吐方亦可通用也。蓋一藥能治數病。其所以稍為分別者。以一病必有一二味主藥。此從仲景寒邪直中三陰各條選藥。故藥味不取變換。况弔脚痧之發。無不數症並見。其專見一二症者。甚少。雖病象或殊。其實皆寒邪也。如當不及求治之時。只須按症

急流彙編  
選方照方進藥。急先自治。再行延醫可耳。

吊腳痧所忌

初起即忌湯水。愈渴愈要禁阻。解渴之法。以烏梅三個。生姜一兩。搗碎煎滾一大杯。作二次與服。

一忌飲食及生冷之物。即吐瀉已止。手足已溫。必須一周時後。方可用鍋焦粥飲進之。如食後平安。然後漸加。

一吐瀉後數日之內。切忌麪食油膩。水果蝦蟇。芡苳山茹。雞鴨蛋。諸豈及發物。

吊腳痧所需

一要用純姜汁灌。此條若吐下稍緩。即須慎用。

一用取嚏法。試其輕重。有嚏者尚輕。氣閉者無嚏。氣敗者亦無嚏。



一 要手爐脚爐熱烘取其以助正氣使寒邪不能凝此条須察病情及天氣而後用不至詒誤

一 用燒酒姜汁塗其腿足此法輕者效重者不效

一 要人極敲取其流通氣血

一 要蒜頭去皮搗碎不拘多少銅銚炒熱於臍下三指名曰關元

穴乘熱批之用布緊扎又一方加鹽於蒜上用艾炙亦妙

濟祖降筆方此方治吊脚痧極驗輕者一二服重者三四服

石菖蒲錢三炒茅朮錢二紫降香錢一開口川椒錢一白檀香錢一

宣木瓜錢一雄精分八上猺桂六分研沖

慈谿俞成甫先生吊脚痧方論

回陽救急丹

吊脚痧方論

趙翰香居藏本

東洋參三兩製倭硫黃六錢製川附子四兩炒乾姜二兩

照分秤足為末。水法為丸。每服四錢。廣藿香梗錢半。木瓜錢半。

同煎冷服。分二三次進。恐其不受也。吐則再進。二三次後無不

受矣。過二三時再煎再服。渴甚加烏梅二三枚同煎。此症多發

口渴。切勿因其渴而疑不敢用。蓋以陰寒之毒逼其真陽浮越

於上。故令發渴。此下為真寒。上為假熱。正須追服此藥。方能引

無根之火降而歸原。若係熱霍亂。肢體必不逆冷。且必不身出

冷汗。此可斷然無疑者。蘇榮按近時亦有熱毒下利四肢逆冷周身汗出須用涼劑下達者極宜細辨

間有吐瀉轉筋發渴不止。而四肢不逆冷。只是兩頰清冷。面有

冷汗。雖渴而舌苔極潤。脈數。按之虛軟。連投此方。諸恙皆瘥。仍

用參苓姜附等調理而愈。亦有手足頭面毫不逆冷。脈數渴飲。

全似熱霍亂。直至吐瀉已久。驟見逆冷。幸用藥未左。仍保無事。又霍亂轉筋。雖身體冰冷。而脈象多數。蓋數有虛實。此數亦因陰寒盤踞。致陽氣欲脫之兆。如以數為熱。膚淺之見。鮮不誤也。又此症急如星火。必須連連追服。方有生機。輕則日夜五六服。重則八九服。俱服頭煎。不用二煎。次日未瘥。再連連追服。只要兩手脈猶未脫。目猶未陷。終救得轉愈。後調理仍用溫和。切勿寒涼。間有為病日多。日日加服。前藥過分者。吐瀉轉筋雖定。而有腹脹。小便不利。及口燥等恙。此偶有之。究不多見。只須北沙參四五錢。麥冬三四錢。炒生地七八錢。一二劑可平。

回陽救急湯如無丸藥用此較便

人參

一錢五分無力者以東洋參二三錢代之炒於木

三錢

炒淡干姜

輕則一錢重則一錢五分

# 急治彙編

平脚痧方論

廿五

趙翰香居藏本

製附子

輕則二三錢重則四五錢  
或用姜汁炒生附二三錢

泡茱萸

輕則一錢重則錢半

木瓜烏梅

藿梗

去葉各錢半  
或各二錢

川連

三四分或五六分

井水煎吞玉壺丹

輕則一錢重則錢半

湯丸兩方不拘男女大小俱可服

七歲以前減分服

但用藥之多少看

病之輕重輕者二三劑即輕或可改用輕劑重者二三劑斷不

能轉總當連連追服必待吐瀉已定身冷已回方止凡病不可

泥方至若此症實堪執方治病似可不必延醫誠恐意見歧而

徒生枝節終至莫挽耳若目陷而脈已脫醫藥俱無所用倘有

可救能用此藥勝於延醫也或有兼症如胸滿苔滯可用姜汁

炒廣皮

錢半

如濁氣上沖加晚蠶沙

錢四

如吐蛔加川椒

分然此兼

症總是陽虛之故得陽氣漸回諸恙自好瘥後呃逆及噫噎不

止用上沉香五六分磨汁入姜汁二匙開水沖服未愈再進

此兩方人多畏而不敢用。即用之不及其病，終不可救。非藥之不靈，實自誤於無把握耳。此症不當針刺。凡熱痧寒痧悶閉不通，故刺以泄之。今上吐下瀉，身汗如雨，百門大開，惟恐收攝不住，何可再以針刺開泄？况此轉筋，並不若熱痧在經絡，筋受熱灼而急，實與傷寒中三陰筋急不能屈伸一例，而勢較重較急。其病在臟，無故泄氣，非徒無益而反害之。

回陽膏

一名雷公散 一名五香散

上瑤桂心

錢八

母丁香

二錢

倭硫黃

五錢 製

生香附

一兩 錢八

當門子

錢四

共研極細末。每服三分，納入臍中。外用膏藥封貼。一時即愈。或症重不省人事，即用鹽一撮，安放膏藥面上，用艾燒灸，則藥力愈速。惟藥性猛烈，斷不可吃。孕婦忌用。



再此症初起如寒熱疑似可先用靈寶妙應丹納臍內用膏藥貼之自能漸愈屢試屢驗如已認定寒症輕者如藿香正氣丸六合定中丸重者如辟瘟丹純陽正氣丸俱可間服

按此兩論為治寒霍亂良方即古所謂三陰傷寒審症的確勿必游移然此病卻不多觀每有霍亂熱症外象似寒須用涼劑透解者則宜宗王氏霍亂論治法或宓氏治急改良易簡錄平日參看既熟臨症自有權衡總之標本陰陽表裏寒熱虛實真假此十二字各病俱宜明辨遇霍亂症尤為要訣而寒熱兩途最吃緊下手處幸勿孟浪任事有負司命也

巳酉春日蘇茶又識